

## — 401 —

lütten, oder von dien so an ir stat werint, gemant, ieman an-  
 zegriffende, der die vorgebant herschaft von Oesterich geschä-  
 diget hette, vnd wir die denne gemant werint, erkanten vñ den  
 eit, daz wir derselben herschaft helff dar zu bedörftent, so  
 füllen si vns ze helffe komen, als die vorgebant amptlüt  
 erkennen, daz dar zu bescheidenlich si, vnd och nutz.  
 Wenne sich och die vorgebant amptlüt, oder die an ir  
 stat werint, vmbe dehein stugke, so an disem brieffe begriffen  
 ist ze erkennende hant, daz sol tuon der vogt von Elsass  
 vnd von Suntgöw, oder der an seiner stat ist, mit vieren zu  
 ime, die der herschaft von Oesterich gesworn amptlüt sint,  
 oder ir geswornen erbern diener, vnd der vogt ze Ergöw  
 vnd ze Thurgöw, oder der an seiner stat ist, och mit vieren  
 zu ime, die derselben herschaft gesworn rates sint, vnd fü-  
 lent daz tuon bedenthalt bi iren eiden, ane geuerde. Vnd  
 sint dis die zil, in dien wir die vorgebant drie stette, der  
 egenanten herschaft mit macht geraten vnd beholfen füllen  
 sin, als zu den sachen notdürftig ist, vnd vnsern eren wol  
 anstat. Von Hoywenstein der burg über Rin, vnd  
 dannant an den Bözberg, dannan an Hoywen-  
 stein, von dem Hoywenstein an den Lebern, als der  
 sne harabe smilzet, von dem Lebern an den Wis-  
 senstein och als der sne harabe smilzet, von dem  
 Wissensteine die richte über gen Goldenuels, von  
 Goldenuels die richte über gen Luder, von Lu-  
 der vnz an die virst, als verre vnser froywen  
 der herzogin lant, vnd vestinen, da zwüschen be-  
 griffen sint, von der virst die Wachsen abe, als  
 der sne har in smilzet vnz an den vorst ze Hage-  
 nöw, von dem vorste die richte über Rin vnz gen  
 Stalhouen, von Stalhouen die richte über an  
 den Swarzwalt, vnd dannant den Swarzwalt vñ,  
 als der sne har in smilzet, gen dem Rin vnz wi-  
 der an die vorgebant burg Hoywenstein. Wir die  
 vorgebant drie stette, sint och der egenanten herschaft von  
 Oesterich fürbas gebunden ze helfende, vñwendig den vorge-